

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱԶԳԱՅԻՆ ԺՈՂՈՎԻ ՆԱԽԱԳԱՀ

պարոն ԳԱԼՈՒՍՏ ՍԱՀԱԿՅԱՆԻՆ

Հարգելի պարոն Սահակյան

Ձեզ ենք ներկայացնում Հայաստանի Հանրապետության կառավարության եզրակացությունը Հայաստանի Հանրապետության Ազգային ժողովի պատգամավորներ Հովհաննես Մարգարյանի, Հեղինե Բիշարյանի, Իշխան Խաչատրյանի և Լևոն Դոխտյանի՝ օրենսդրական նախաձեռնության կարգով ներկայացրած «Հուղարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքում փոփոխություններ և լրացումներ կատարելու մասին» Հայաստանի Հանրապետության օրենքի նախագծի (*Պ-637-15.10.2014-SS-010/0*) վերաբերյալ:

1. 2-րդ հոդվածով նոր խմբագրությամբ շարադրվող 4-րդ հոդվածի՝

1) 1-ին մասի 2-րդ կետում հստակեցման կարիք ունի գերեզմանատների տարածքների մշտադիտարկման նպատակն ու դրա իրականացման արդյունքում ստացված տվյալների օգտագործումը.

2) 1-ին մասի 3-րդ կետը հստակեցման կարիք ունի, քանի որ պարզ չէ, թե լիազորմարմնի կողմից ում են ներկայացվում առաջարկությունները.

3) 1-ին մասի 4-րդ կետը հակասում է Հայաստանի Հանրապետության հողային օրենսգրքի և «Քաղաքաշինության մասին» Հայաստանի Հանրապետության օրենքի դրույթներին, քանի որ դրանցով սահմանված են հողերի նպատակային և գործառական
AJV-47-25_2014-11-13_01d10.1d19081-14_2014-11-18_66B5E8

նշանակության, ինչպես նաև հողերի օգտագործման սխեմաների հաստատման և փոփոխման այլ ընթացակարգ.

4) 1-ին մասի 5-րդ կետն անհրաժեշտ է խմբագրել՝ հաշվի առնելով, որ հողարկավորությունների և գերեզմանատների ու դիակլիզարանների շահագործման հետ կապված հարաբերությունները կարգավորող օրենսդրական պահանջները բավական ընդարձակ են, ընդգրկում են այլ մարմիններին վերապահված լիազորություններ և համապատասխան հարաբերությունները կարգավորող օրենսդրության պահանջների կատարման նկատմամբ վերահսկողություն իրականացնելը միայն մեկ լիազոր մարմինն վերապահվել չի կարող.

5) 2-րդ մասն անհրաժեշտ է առանձնացնել՝ հողարկավորությունների և գերեզմանատների ու դիակլիզարանների շահագործման բնագավառում տարածքային կառավարման մարմինների և տեղական ինքնակառավարման մարմինների լիազորությունները ներկայացնելով առանձին հոդվածով:

2. Առաջարկում ենք հանել նախագծի 3-րդ հոդվածը:

3. Նախագծի 5-րդ և 6-րդ հոդվածներն անհրաժեշտ է հանել: Տվյալ կարգավորման արդյունքում անհասկանալի է, թե գերեզմանի վարձակալն ինչ հիմքերով պետք է տրամադրի գերեզմանի տեղը (անվճար թե վճարովի), բացի դրանից հիմնվորված չէ, թե ինչպես է վարձակալված գերեզմանատունը նպաստելու ոլորտում առկա խնդիրների լուծմանը, ինչպես նաև կարգավորված չեն վարձակալության ժամկետի ընթացքում վարձակալի պարտավորությունները և դրանց կատարումից խուսափելու հետևանքները: Միաժամանակ, եթե վարձակալության ժամկետը լրանալուց հետո կամ վարձակալության պայմանագրի վաղաժամկետ լուծման դեպքում գերեզմանատան բարեկարգման, սպասարկման և պահպանման պարտավորությունը պետք է անցնի տեղական ինքնակառավարման մարմիններին, ապա ստացվում է, որ վարձակալությամբ տրամադրելը կրում է միայն գերեզմանատեղերի տրամադրման նպատակ, իսկ տեղերի ավարտվելուց հետո

բարեկարգման պարտավորությունը միննույնն է կրելու է տեղական ինքնակառավարման մարմինը:

4. 4-րդ հոդվածով սահմանված լրացումը Հայաստանի Հանրապետության պետական բյուջեում զգալի ծախսեր կառաջացնի: Ախտաբանաանատոմիական հերձումների անցկացման կարգը սահմանված է Հայաստանի Հանրապետության կառավարության 2012 թվականի օգոստոսի 23-ի N 1082-Ն որոշմամբ: Բացի դրանից, համաձայն Հայաստանի Հանրապետության առողջապահության նախարարի 2013 թվականի հուլիսի 16-ի N 36-Ն հրամանով հաստատված չափորոշի, ախտաբանաանատոմիական հերձումները պետության կողմից երաշխավորված անվճար բժշկական օգնության և սպասարկման շրջանակներում տրամադրվում են միայն Հայաստանի Հանրապետության կառավարության 2004 թվականի մարտի 4-ի N 318-Ն որոշման 3-րդ կետի «ա» ենթակետով հաստատված ցանկում ընդգրկված անձանց մահվան դեպքում:

Տնային մահերը կազմում են շուրջ 12816 դեպք, որից Հայաստանի Հանրապետության կառավարության 2004 թվականի մարտի 4-ի N 318-Ն որոշման 3-րդ կետի «ա» ենթակետով հաստատված ցանկում չընդգրկվածները շուրջ 10252-ն է, ընդ որում, մեկ հերձման գինը 12500 դրամ է. լրացուցիչ պահանջվող գումարը կկազմի 128 միլիոն դրամ:

Հարկ ենք համարում տեղեկացնել նաև, որ Հայաստանի Հանրապետության արդարադատության նախարարության կողմից մշակվել և այժմ քննարկման փուլում է «Հուղարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքի նախագիծը, որով կսահմանվեն հուղարկավորությունների կազմակերպման հետ կապված հարաբերությունների կարգավորման նոր սկզբունքներ և մոտեցումներ: Այնուամենայնիվ, դեռևս հստակեցման անհրաժեշտություն ունեն հետևյալ հարցերը՝

1) կարող են արդյոք գերեզմանատները լինել մասնավոր սեփականություն հանդիսացող հողամասերի վրա, թե ոչ.

2) մասնավոր հողի վրա գտնվող գերեզմանատուն կառավարելու դեպքում, եթե հողի սեփականատերը հրաժարվում է դրանից կամ սնանկ է ճանաչվում, ապա ինչ կարգավորում պետք է նախատեսել այդ դեպքում.

3) մասնավոր գերեզմանատների կառավարումը պետք է լինի լիցենզավորման ենթակա գործունեության տեսակ, թե ոչ.

4) պետք է արդյոք սահմանվեն նվազագույն չափանիշներ, որոնց պետք է համապատասխանեն գերեզմանատները և դիակիզարանները, թե ոչ.

5) վերահուղարկավորումն ինչ ժամկետներում կարող է իրականացվել և ինչ պայմաններով:

Հաշվի առնելով, որ ներկայացված նախագծում առկա են հստակեցման և խմբագրման կարիք ունեցող դրույթներ, լրացուցիչ կարգավորման ենթակա հարաբերություններ, տարբեր մարմինների լիազորությունների շրջանակների հստակեցման կարիք ունեցող հարցեր՝ Հայաստանի Հանրապետության կառավարությունն առաջարկում է նախագծի դրույթներին անդրադառնալ առաջիկայում՝ Հայաստանի Հանրապետության կառավարության կողմից օրենսդրական նախաձեռնության կարգով Հայաստանի Հանրապետության Ազգային ժողովի քննարկմանը ներկայացվելիք «Հուղարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքի նախագծի քննարկումների շրջանակներում:

Միաժամանակ հայտնում ենք, որ, ներկայացված օրենքի նախագիծը Հայաստանի Հանրապետության Ազգային ժողովում քննարկելիս, հարակից զեկուցմամբ հանդես կգա Հայաստանի Հանրապետության արդարադատության նախարարի տեղակալ Սուրեն Քրմոյանը:

Կից ներկայացվում են օրենքի նախագծի կարգավորման ազդեցության գնահատման եզրակացությունները:

Հարգանքով՝

ՀՈՎԻԿ ԱԲՐԱՀԱՄՅԱՆ

**ԱՌՈՂՋԱՊԱՀՈՒԹՅԱՆ ԲՆԱԳԱՎԱՌՈՒՄ ԿԱՐԳԱՎՈՐՄԱՆ ԱԶԴԵՑՈՒԹՅԱՆ
ԳՆԱՀԱՏՄԱՆ ԵԶՐԱԿԱՑՈՒԹՅՈՒՆ**

«Հուլարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագծի ընդունման դեպքում

«Հուլարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագծի ընդունումն առողջապահության բնագավառի վրա ազդեցություն չի ունենա:

Եզրակացություն

«Հուլարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագծի վերաբերյալ սոցիալական պաշտպանության ոլորտում կարգավորման ազդեցության գնահատման

«Հուլարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագծի (այսուհետ՝ նախագիծ) սոցիալական պաշտպանության ոլորտում կարգավորման ազդեցության գնահատումը կատարվել է «Իրավական ակտերի մասին» ՀՀ օրենքի 27.1 հոդվածի և ՀՀ Կառավարության 2010 թվականի հունվարի 14-ի թիվ 18-Ն որոշման համաձայն:

Նախագծի սոցիալական պաշտպանության ոլորտում կարգավորման ազդեցության գնահատումը կատարվել է սոցիալական պաշտպանության ոլորտի և դրա առանձին ենթաօլորտների իրավիճակի բնութագրիչների և դրանց ինդիկատորների հիման վրա:

Նախագիծը՝

ա) ռազմավարական կարգավորման ազդեցության տեսանկյունից ունի **չեզոք ազդեցություն**.

բ) շահառուների վրա կարգավորման ազդեցության տեսանկյունից ունի **չեզոք ազդեցություն**:

ԱԶԴԵՑՈՒԹՅԱՆ ԳՆԱՀԱՏՄԱՆ ՄԱՍԻՆ ԵԶՐԱԿԱՑՈՒԹՅՈՒՆ

<<Հուլարկավորությունների կազմակերպման և գերեզմանատների ու դիակիզարանների շահագործման մասին>> Հայաստանի Հանրապետության օրենքում փոփոխություններ և լրացումներ կատարելու մասին>> Հայաստանի Հանրապետության օրենքի նախագծի բնապահպանության բնագավառում կարգավորման

1. <<Հուլարկավորությունների կազմակերպման և գերեզմանատների ու դիակիզարանների շահագործման մասին>> Հայաստանի Հանրապետության օրենքում փոփոխություններ և լրացումներ կատարելու մասին>> Հայաստանի Հանրապետության օրենքի նախագծի (այսուհետ՝ օրենք) ընդունման արդյունքում մթնոլորտի, հողի, ջրային

ոեսուրսների, ընդերքի, բուսական և կենդանական աշխարհի, հատուկ պահպանվող տարածքների վրա բացասական հետևանքներ չեն առաջանա:

2. Օրենքի նախագծի չընդունման դեպքում շրջակա միջավայրի օբյեկտների վրա բացասական հետևանքներ չեն առաջանա:

3. Օրենքի նախագիծը բնապահպանության ոլորտին առնչվում է, սակայն այդ ոլորտը կանոնակարգող իրավական ակտերով ամրագրված սկզբունքներին և պահանջներին չի հակասում:

Օրենքի կիրարկման արդյունքում բնապահպանության բնագավառում կանխատեսվող հետևանքների գնահատման և վարվող քաղաքականության համեմատական վիճակագրական վերլուծություններ կատարելու անհրաժեշտությունը բացակայում է:

ՀԱՎԱԿՈՒՌՈՒՊՑԻՈՆ ԲՆԱԳԱՎԱՌՈՒՄ ԿԱՐԳԱՎՈՐՄԱՆ ԱԶԴԵՑՈՒԹՅԱՆ ԳՆԱՀԱՏՄԱՆ ԵԶՐԱԿԱՑՈՒԹՅՈՒՆ

«Հուղարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքում փոփոխություններ և լրացումներ կատարելու մասին» Հայաստանի Հանրապետության օրենքի նախագծի վերաբերյալ

«Հուղարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքում փոփոխություններ և լրացումներ կատարելու մասին» Հայաստանի Հանրապետության օրենքի նախագիծն իր մեջ Հայաստանի Հանրապետության կառավարության 2009 թվականի հոկտեմբերի 22-ի «Նորմատիվ իրավական ակտերի նախագծերի հակակոռուպցիոն բնագավառում կարգավորման ազդեցության գնահատման իրականացման կարգը հաստատելու մասին» թիվ 1205-Ն որոշմամբ հաստատված կարգի 9-րդ կետով նախատեսված որևէ կոռուպցիոն գործոն չի պարունակում:

ԵԶՐԱԿԱՑՈՒԹՅՈՒՆ

«Հուղարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագծի մրցակցության բնագավառում կարգավորման ազդեցության գնահատման

«Հուղարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագծով (այսուհետ՝ Նախագիծ) կարգավորվում են գերեզմանատների և դիակիզարանների շահագործման հետ կապված իրավահարաբերությունները:

Նախագծով կարգավորվող շրջանակները առնչվում են հուղարկավորությունների կազմակերպման և գերեզմանատների ու դիակիզարանների շահագործման բնագավառում մատուցվող ծառայությունների շուկայի հետ, սակայն Նախագծի ընդունմամբ նշված ծառայությունների շուկայում մրցակցային դաշտի վրա ազդեցություն լինել չի կարող:

Հիմք ընդունելով նախնական փուլի արդյունքները՝ կարգավորման ազդեցության գնահատման աշխատանքները դադարեցվել են՝ արձանագրելով Նախագծի ընդունմամբ մրցակցության միջավայրի վրա ազդեցություն չհայտնաբերվելու եզրակացություն:

ԵԶՐԱԿԱՑՈՒԹՅՈՒՆ

«Հուղարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագծի տնտեսական, այդ թվում՝ փոքր և միջին ձեռնարկատիրության բնագավառում կարգավորման ազդեցության գնահատման

«Հուղարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագծի (այսուհետ՝ Նախագիծ) գործարար և ներդրումային միջավայրի վրա կարգավորման ազդեցության գնահատման նպատակով իրականացվել են նախնական դիտարկումներ:

Գնահատման նախնական փուլում պարզ է դարձել, որ *Նախագիծը վերաբերում է գերեզմանների և դիակիզարանների շահագործման հետ կապված իրավահարաբերությունների կարգավորմանը* և Նախագծի ընդունման դեպքում, դրա կիրարկման արդյունքում գործարար և ներդրումային միջավայրի վրա ազդեցություն *չի նախատեսվում*:

ԵԶՐԱԿԱՑՈՒԹՅՈՒՆ

««Հուղարկավորությունների կազմակերպման և գերեզմանատների ու դիակիզարանների շահագործման մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի նախագծի՝ բյուջետային բնագավառում կարգավորման ազդեցության գնահատման վերաբերյալ

Օրենքի նախագծի ընդունման ազդեցությունը ՀՀ պետական և համայնքային բյուջեների ծախսերի վրա կլինի բացասական՝ հաշվի առնելով այն հանգամանքը, որ Նախագծով նախատեսվում է, որ դիահերձումը պետության կողմից երաշխավորված անվճար բուժճառայություն է:

Միաժամանակ հայտնում ենք, որ Նախագծի ընդունման ազդեցությունը ՀՀ պետական և համայնքային բյուջեների եկամուտների վրա կլինի ոչ էական:

Պ-637-15.10.2014-SS-010/0

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔԸ**

**«ՀՈՒՂԱՐԿԱՎՈՐՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԳԵՐԵԶՄԱՆԱՏՆԵՐԻ ՈՒ
ԴԻԱԿԻԶԱՐԱՆՆԵՐԻ ՇԱՀԱԳՈՐԾՄԱՆ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

Հոդված 1. «Հուղարկավորությունների կազմակերպման եւ գերեզմանատների ու դիակիզարանների շահագործման մասին» Հայաստանի Հանրապետության 2006 թվականի փետրվարի 27-ի ՀՕ-40-Ն օրենքի (այսուհետ՝ Օրենք) 2-րդ հոդվածի 3-րդ պարբերությունում «եւ բնապահպանական» բառերը փոխարինել « բնապահպանական եւ սանիտարական» բառերով:

Հոդված 2. Օրենքի 4-րդ հոդվածը շարադրել հետեւյալ խմբագրությամբ՝

«Հոդված 4. Պետական լիազոր մարմինը

1. Պետական լիազոր մարմինը (այսուհետ՝ լիազոր մարմին) հուղարկավորությունների կազմակերպման եւ գերեզմանատների ու դիակիզարանների շահագործման բնագավառում իրականացնում է հետեւյալ լիազորությունները՝

1) մշակում է բնագավառի պետական քաղաքականությունը.

2) անցկացնում է գերեզմանատների տարածքների մշտադիտարկումը.

3) առաջարկություններ է ներկայացնում գերեզմանատների զբաղեցրած հողերի իրավական հատուկ ռեժիմի եւ օգտագործման նկատմամբ սահմանափակումների վերաբերյալ.

4) համակարգում է գերեզմանատների զբաղեցրած հողերի օգտագործման սխեմաների մշակման, դրանց սահմանների փոփոխման, նոր գերեզմանատների կազմակերպման գործընթացները.

5) վերահսկողություն է իրականացնում հուղարկավորությունների եւ գերեզմանատների ու դիակիզարանների շահագործման հետ կապված հարաբերությունները կարգավորող օրենսդրության պահանջների կատարման նկատմամբ:

2. Հուղարկավորությունների կազմակերպման եւ գերեզմանատների ու դիակիզարանների շահագործման բնագավառում տեղական ինքնակառավարման մարմինները իրականացնում են սույն օրենքով, «Տեղական ինքնակառավարման մասին» Հայաստանի Հանրապետության օրենքով, «Երեւան քաղաքում տեղական ինքնակառավարման մասին» Հայաստանի Հանրապետության օրենքով վերապահված լիազորություններ»:

Հոդված 3. Օրենքի 10-րդ հոդվածի 3-րդ մասում «համար» բառից հետո լրացնել «անվճար»բառը:

Հոդված 4 . Օրենքի 10-րդ հոդվածի 8-րդ մասում ավելացնել նոր պարբերություն հետեւյալ բովանդակությամբ. «Դիախերծումը պետության կողմից երաշխավորված անվճար բուժճառայություն է»:

Հոդված 5. Օրենքի 18-րդ հոդվածը լրացնել հետեւյալ բովանդակությամբ նոր 3-րդ մասով.

«3. Համայնքային կամ պետական սեփականություն հանդիսացող վարձակալությամբ տրամադրված գերեզմանատներում, հուղարկավորության կազմակերպման առանձնահատկությունները սահմանում է Հայաստանի Հանրապետության կառավարությունը»:

Հոդված 6. Օրենքը լրացնել նոր 19.1-րդ հոդվածով հետեւյալ բովանդակությամբ.

Հողված 19.1 Վարձակալությամբ տրամադրված գերեզմանատների կազմակերպման եւ գործունեության սկզբունքները

1. Վարձակալությամբ տրամադրված գերեզմանատները կազմակերպվում են Հայաստանի Հանրապետության օրենքով սահմանված կարգով:

2. Վարձակալությամբ տրամադրված գերեզմանատների կազմակերպման համար հողատարածքները տրամադրվում են հողատարածքի վարձակալության պայմանագրի հիման վրա, որը պետք է պարունակի հետեւյալ պարտադիր պայմանները՝

1) հողատարածքը վարձակալության հանձնելը 49 տարի ժամկետով.

2) հողատարածքի նպատակային եւ գործառնական նշանակության փոփոխության արգելքը.

3) հողատարածքը ենթավարձակալության հանձնելու, այն գնելու արգելքը.

4) տեղական ինքնակառավարման մարմինների պարտավորությունն ապահովելու գերեզմանատների բարեկարգումը, պահպանումն ու շահագործումը վարձակալության պայմանագրի վաղաժամկետ լուծման դեպքում:

4. Վարձակալությամբ տրամադրված գերեզմանատան տնօրինությունը պարտավոր է վարել գերեզմանատեղերի հաշվառման եւ հուղարկավորությունների գրանցման մատյաններ՝ Հայաստանի Հանրապետության կառավարության սահմանված կարգով, որոնք արխիվում պահվում են անժամկետ:

Հոդված 7. Օրենքը լրացնել 25.1-րդ հոդվածով հետեւյալ բովանդակությամբ՝

Հոդված 25.1 Պատասխանատվությունը սույն օրենքի պահանջները խախտելու համար

Սույն օրենքի պահանջների խախտումն առաջացնում է պատասխանատվություն՝ Հայաստանի Հանրապետության օրենքով սահմանված կարգով:

Հոդված 8. Սույն օրենքն ուժի մեջ է մտնում պաշտոնական հրապարակման օրվան հաջորդող տասներորդ օրը:

ՀԻՄՆԱՎՈՐՈՒՄ

«Հուղարկավորությունների կազմակերպման եւ գերեզմանատների ու դիակիզարանների շահագործման մասին» Հայաստանի Հանրապետության օրենքում փոփոխություններ եւ լրացումներ կատարելու մասին» Հայաստանի Հանրապետության օրենքի ընդունման անհրաժեշտության մասին

«Հուղարկավորությունների կազմակերպման եւ գերեզմանատների ու դիակիզարանների շահագործման մասին» Հայաստանի Հանրապետության օրենքն ընդունվել է 1996 թվականին: Սույն օրենքը կարգավորում է գերեզմանատների եւ դիակիզարանների շահագործման հետ կապված իրավահարաբերությունները եւ սահմանում հուղարկավորության արարողությունների կազմակերպման պետական կարգավորման հիմնական սկզբունքներն ու պայմանները: Ինչպես նաեւ սահմանվում է դիահերձարաններում մահացածների դիահերձման հետ կապված պետական չափորոշիչները սահմանելով, որ դիահերձումը բնակչության բոլոր շերտերի համար՝ այսուհետ պետության կողմից երաշխավորված անվճար բուժճառայություն է: Օրենքով սահմանվում է, որ ըստ պատկանելության գերեզմանատները կարող են լինել պետական եւ համայնքային: Մահացածի մարմինը հողին հանձնելու համար տրամադրվում է գերեզմանատեղ՝ մեկ տեղի հաշվով 2.5 քառ. մետր մակերեսով: Ընտանեկան գերեզմանի կազմակերպման համար տրամադրվող հողատարածքի առավելագույն չափը սահմանվում է 12 քառ. մետր, որը տրամադրվում է անվճար հիմունքներով, որից ավելի լինելու դեպքում տարածքը տրամադրվում է վճարովի, երկարաժամկետ վարձակալման հիմունքներով:

Գործող օրենքում փոփոխություններ եւ լրացումներ կատարելու նպատակն է ներմուծել վարձակալվող գերեզմանատների գերեզմանատների ինստիտուտը, ինչն օրինական հիմքերի վրա կդնի վարձակալվող գերեզմանատների գործունեությունը՝ խթանելով պետական/համայնքային եւ վարձակալման ենթակա գերեզմանատների առողջ մրցակցությունը՝ նպաստելով հուղարկավորությունների կազմակերպման ոլորտում մատուցվող ծառայությունների որակի բարձրացմանը եւ գերեզմանատների կանոնակարգված շահագործմանը:

Վարձակալմամբ եւ մասնավոր ծառայություններ մատուցող գերեզմանատներ գործում են նաեւ մի շարք եվրոպական երկրներում, օրինակ՝ Մեծ Բրիտանիա, Ավստրալիա եւ այլն:

Հարկ ենք համարում նշել, որ վերոգրյալ չափանիշների ներդնումը կնպաստի բնակչության առանց այն էլ ծանր սոցիալական բեռի թեթեացմանը, ինչպես նաեւ այս ոլորտների ընդհանուր քաղաքականության մշակմանը եւ կարգավորմանը: Կնպաստի նաեւ ոլորտում առկա խնդիրների վերհանմանը եւ կոռուպցիոն ռիսկերի հնարավորինս բացառմանը, միաժամանակ, նաեւ կսահմանի հստակ չափանիշներ, պետության կողմից ոլորտի վերահսկողության ու բնակչությանը հուզող խնդիրների լուծմանը: